



2012-imi novembarimi Kinamut angalanermut tunngatillugu Siumumit Aleqa Hammondip Naalakkersuisunut apeqqutaanut nr. 271-Imut akissut.

Inatsisartut suleriaasianni § 37, imm. 1 naapertorlugu 2012-imi novembarimi Kinamut pisortat angalanerannut tunngatillugu Naalakkersuisunut apeqqutilliisimavutit. Immik-koortoqarfigisanni akissuteqarfigisassanngorlugu apeqqutigisat akissuteqarfiginissaanut innersuutaasimavoq.

Aatsitassanut naalakkersuisup Kinamut angalanermi kingorna tusagassiuutitigut oqaatigaa isumaqatigiissutinik tigussaasunik angusaqarsimalluni, tamakkulu isumaqatigiissutit tigussaasunut suut pineqarpat aammalu inatsisartunut paasisutissiissamaartoqarpa?

Kinamut angalaneq pisortat angalaneraat, Kinami nunamut isumalluutinullu ministeriusumit qaaqqusisummik tungaveqartoq. Angalaneq siusinnerusukkat ataatsimiinnernik malitseqartitsinissamut periarfissilvoq, 2011-mi novembarimi slullermik tikeraarpara – 2012-imi upernaakkut ministeri kineseri Nuummuk tikeraarpoq.

Kalaallit Nunaata aamma Kinap akornanni qanimut attaveqalersinniarlugu politikikkut inissimavimmi pitsaasumik attaveqatiginnerup pilersinnissaa anguniarneqarpoq. Attaveqatigiilluarnerit ingerlatseqatigiiffiit akornanniileqqunarput, taamaallilluni ukiuni takkuttussani Kalaallit Nunaanni Kinamit aningaasaliinerit amerlanerit takkussinnaassamata.

Naalakkersuisut angalanermi tigussaasunik isumaqatigiissusiorsimangillat, tamakku ingerlatseqatigiiffiit namminersortut isumagissavaat.

Kinamut angalanerup ilarujussua aatsitassanut tungavoq, minnerunngitsumik Isuani suliniummut. Tassunga atatillugu Minister of Land and Resources aamma China Development Bank (naalagaaffiup ineriartortitsinissamut aningaaserivia) ataatsimeeqatigineqarput. Taakku saniatigut Kalaallit Nunaannit aallartitat, kiisalu nunatsinnit suliffeqarfiit arlallit aatsitassarsiornermik saqqummersitsinermi China Miningimi peqataapput. Kinami naalagaaffiup sinniisuinik aamma ineriartortitsinissamut aningaaserivimmik ataatsimiinnerit iluarinarlutillu tigussaasuupput – illuatungeriit tamarmik akunnerminni niueqatigiinnerup annerusinissaanik kissaateqarnertik erseqqissaavigaat. Isuani suliniut kisiat oqaluuserineqanngilaq – aammali kanngussaas, zinkip, aatsitassat qaqutigoortut allallu iluini suliniutit aallartilluareersimasut oqaluuserineqarput.

Isuani suliniummi pisoq maannakkut tassaavoq China Development Bankip suliniutip aningaasaliiffiginissaanik isumaliuteqarniarnera. Taamaattorli suliniutip tassunga killinissaanut tunngavigisassat arlallit inisseqqaartussaapput. Tunngavigisassat makku:

26. november 2012
Sagsnr.
Dok. Nr.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: lsln@nanoq.gl
www.nanoq.gl

Aallarniutigalugu eqqaasitsissutigisassavara tassaavoq suliniut tunisassiorfimmi suliniutip taamatut ittup piviusunngortissinnaanissaanut suliffeqarfiit arlalilit namminersuutigisatut aningaasaqarnikkut tunngaveqartunik arlalinnik isumaqatigiissuteqarfignissaanik nassataqartuusooq. Tunisassiorfiusumut immikkoortortarpasuit iluarsivigineqaqqaartussat akornanniittut tassaapput pilersuinernik, tunitsivinnik, aningaasaliinernik il.il. isumaqatigiissutit. Tassunga atatillugu China Development Bank ataatsimeeqatigaara. Kinami aningaaserivik tassaavoq naalagaaffiup ineriartortitsinermut aningaaseriviutaa, marlunnik pingaarnernik siunertaqartoq – tassalu aningaasaliissutigisaat niuerneramik tunngaveqartumik atugarisatigut sinneqartoortitsissasoq, aamma lu aningaasaliissutigisaasa Kinami inuussutissarsiorfinnik siuarsaassasoq.

Isukasiani suliniummut 14 milliardingajannik aningaasaliinissamut aningaaseriviup ilapituinissaminik isumaliuteqarnissaa sioqqullugu tunngavigisassat arlalilit paasisimaqqaarneqassapput. Ilaatigut London Miningip Isukasiata eqqaani piiaanissamut inaarutaasumik akuersisummik pissanera paasineqassaaq. Taamatuttaaq London Mining pilersuisunik, tunitsivigisanik il.il. aningaasarslutigisassatut arlalinnik isumaqatigiissuteqarsimassaaq.

Kalaallit Nunaat Great Greenlandip atisaliaanik, nerisassaatsinnik imermillu ilippaanaatinik, minnerunngitsumillu takornariaqarnermut periarfissanik saqqummiussinermut qaaqqusisuuvoq. Tassunga Kinamit inuussutissarsiorfimmeersut tusagassiuutillu qaaqquneqarput. Saqqummiussineq iluatsilluartupilussuuvoq, kingornatigullu isumaqatigiissutissaq siunertaralugu malitseqartitsisutut ataatsimilinnissamut Great Greenlandimut Kinamit amernik pisiortortartunit saaffiginnittoqarpoq. Kinami angalatitsisartut Kalaallit Nunaannik nutaatut pissanganartutullu tikiffissatut pilerisaarinissamut assut soqutiginnipput, maannakkullu Kalaallit Nunaannut umiarsuarmik takornariartarnerit siullit Kinamit angalatitsisartut pilerisaarilerput.

Nunatsinni tusagassiuusinut angalanerup nalaani kingornatigullu Kinamut angalaneq pillugu ilisimatsitsissutigineqartuarpoq. Tamatuma saniatigut Naalakkersuisunut aamma Inatsisartunut ilisimatitsissusiortoqassaaq.

Neriuppunga akissut naammaginatutut tiguneqassasoq.

Inussiarnersumik inuulluaqqusillunga



Óve Kari Berthelsen